

REHKETDOALLODÁRKKISTANMUITALUS 2019

Ohcejoga gielddastivrii

Mii leat dárkkistan Ohcejoga gieldda hálddahusa, girjedoalu ja rehketdoalloloahpahusa rehketdoallobajis 1.1.-31.12.2019. Rehketdoalloloahpahus sistsidoallá gieldda balánssa, boađusrehkega, ruhtadanrehkega ja daid čuovusdieđuid sihke bušeahttaárvalusa ollašuvvanveardádallama ja doaibmačilgehusa. Dasa lassin rehketdoalloloahpahussii gulli konseardnarehketdoalloloahpahus doallá sistsis konseardnabalánssa, konseardnaboađusrehkega, konseardna ruhtadanrehkega ja daid čuovusdieđuid.

Gielddaráđđehusas ja eará rehketdoallogeatnegasain lea vástu gieldda hálddahusas ja ruhtadoalus rehketdoallobajis. Gielddaráđđehus ja eará konseardnanjunušolbmot vástidit gieldakonseardna jodiheamis ja konseardnagohcima ordnemis. Gielddaráđđehus ja gielddahoavda vástidit rehketdoalloloahpahusa ráhkadeamis ja das, ahte rehketdoalloloahpahus addá doarvái ja rivttes dieđuid gieldda bohtosis, ekonomalaš sajádagas, ruhtadeamis ja doaibmamis rehketdoalloloahpahusa ráhkadeapmái guoski njuolggadusaid ja mearrádusaid mielde. Gielddaráđđehus ja gielddahoavda leat doaibmačilgehusas čilgen gieldda siskkáldas gohcimis ja riskkaidhálddašeamis sihke konseardnagohcima ordnemis.

Mii leat dárkkistan rehketdoallobaji hálddahusa, girjedoalu ja rehketdoalloloahpahusa almmolašhálddahusa buori rehketdoallodárkkistanvuogi čuovvumiin deatalaš feaillaid ja váilevašvuodaid fuomášeami ja raporterema geažil dárkkisteami boađusin. Hálddahusa dárkkisteami leat váldán čielgasa doaibmaorgánaid lahtuid ja bargosurggiid njunuš virgehálddašeaddjiid doaimmaid lágalašvuodas. Gieldda siskkáldas gohcima ja riskkaidhálddašeami sihke konseardnagohcima ordnema áššáigullevašvuoda leat dárkkistan váldimiin vuhtii doaibmačilgehusas dain ovdanbuktojuvvon čilgehusaid. Dan lassin leat dárkkistan stáhtaossodagaid vuđđosiin addojuvvon dieđuid riektavuoda. Mii leat dahkan dárkkisteami, vai fidnet doarvái sihkarvuoda das, leago hálddahus dikšojuvvon lága ja váldostivrra mearrádusaid mielde. Girjedoallu sihke rehketdoalloloahpahusa ráhkadanvuodđojurdagiid, sisdoalu ja ovdanbuktinvuogi leat dárkkistan doarvái viidát dan gávnaheapmin, ahte rehketdoalloloahpahus ii sistsidoala dovdomassii feaillaid iige váilevašvuodaid.

Dárkkisteami bohtosat

Jagi 2019 bušeahttaárvalusa čadni doaibmangovččuid badjelmannamat leat dáhpáhuvvon muhtun boađussurggiid buohta. Deatalamos badjelmannamat leat čuvgehusdoaimma hálddahus 114 duhát euro (94 %), vuodđooahpahus 168 duhát euro (9,3 %), gaskadási oahpahus 78 duhát euro (22,5 %), sadjebálvalus 189 duhát euro (218 %) ja huksengohcin 26 duhát euro (35,2 %). Eará osiid gieldda hálddahus lea dikšojuvvon lága ja váldostivrra mearrádusaid mielde.

Gieldda siskkáldas gohcin ja riskkaidhálddašeapmi sihke konseardnagohcin leat ordnejuvvon áššáigullevaččat.

Stáhtaossodagaid vuđđosiin addojuvvon dieđut leat riekta.

Gieldda rehketdoalloloahpahus ja dasa gulli konseardnarehketdoalloloahpahus leat ráhkaduvvon rehketdoalloloahpahusa ráhkadeapmái guoski njuolggadusaid ja mearrádusaid čuovvumiin, muhto maŋŋonii riikkasteamet dálá sierradili geažil. Rehketdoalloloahpahus addá doarvái ja rivttes dieđuid rehketdoallobaji bohtosis, ekonomalaš sajádagas, ruhtadeamis ja doaibmamis. Mii háliidat giddet fuomášumi doaibmačilgehusas ovdanbuktojuvvon árvoštallamiidda koronaepidemijja vejolaš váikkuhusain gieldda doaibmami ja ruhtadillái.

Cealkámušat rehketoalloloahpahusa dohkkeheamis ja vástofriijavuoda mieđiheamis

Mii evttohat dohkkehit rehketoalloloahpahusa.

Mii evttohat mieđihit vástofriijavuoda rehketoallogeatnegasaide rehketoallobajis, man mii leat dárkkistan, dainna eavttuin, ahte váldostivra dohkkeha dárkkisteami boađusin máinnašuvvon bušeahttaspiehkkasemiid.

Roavvenjárggas 29.5.2020

BDO Audiator Oy

HILKKA OJALA

Hilkka Ojala

Tilintarkastaja HT, JHT